

## ADMINISTRACIÓN LOCAL

### MUNICIPAL

#### FERROL

##### Cultura

*Aprobación das Bases reguladoras da XXV Edición do Premio Internación de Gráfica Máximo Ramos. Ferrol 2018*

#### ANUNCIO DAS BASES REGULADORAS DA XXV EDICIÓN PREMIO INTERNACIONAL DE GRÁFICA MÁXIMO RAMOS 2018

##### Bases reguladoras da XXV Edición do Premio Internacional de Gráfica Máximo Ramos 2018

#### 1. Liñas estratéxicas

O obxectivo da XXV edición do Premio Internacional de Gráfica Máximo Ramos 2018, que se realiza con carácter bianual, é dar testemuño do dinamismo e pluralidade da gráfica actual dende a perspectiva da arte contemporánea múltiple e seriada.

Esta convocatoria constitúe, así mesmo, unha oportunidade para a consolidación e enriquecemento dos fondos de arte do Concello de Ferrol.

As bases reguladoras do premio publicaranse no Boletín Oficial da Provincia e na páxina web do concello de Ferrol [www.ferrol.gal/premiomaximoramos](http://www.ferrol.gal/premiomaximoramos). O prazo de presentación de solicitudes virá determinado pola posterior publicación do extracto da convocatoria no citado Boletín.

#### 2. Condicións de participación.

- Poderán participar no certame artistas de calquera nacionalidade e país de residencia.
- O certame está aberto a todos os procesos gráficos tradicionais ou experimentais, incluídos os dixitais, o vídeo, a fotografía e a instalación, con intervencións directas ou combinadas con calquera outro procedemento, sen condicións de tamaño. Admítense polípticos, obras seriadas, probas únicas, variacións...
- Cada participante poderá presentar de 2 a 6 obras pertencentes a unha mesma familia ou serie, ou unha soa obra seriada completa formada por varias pezas.
- Non poderán concorrer ao premio os gañadores das cinco convocatorias anteriores.
- Non se admiten obras premiadas noutros certames nin realizadas antes do 2012.

#### 3. Premio

Concederáse un único premio de 7000€ (impostos engadidos).

O xurado poderá outorgar unha ou varias mencións honoríficas.

#### 4. Inscripcións

-Os candidatos enviarán ao correo electrónico [premiomr@ferrol.es](mailto:premiomr@ferrol.es), dentro do prazo de 20 días naturais contados a partir do día seguinte ao da publicación do **extracto da convocatoria** no Boletín Oficial da Provincia, a seguinte documentación:

- O formulario debidamente cuberto e **asinado**.
- Fotografías das obras. Formato JPEG (de 500 KB a 1 MB máximo cada unha).
- Nos pés de foto indícase: apelidos, nome e número da obra correspondente á lista do formulario.
- Un currículo vitae resumido e unha breve explicación das obras (en galego, castelán, inglés ou francés). Todo nun máximo de dúas páxinas.
- Indícase se as obras presentadas son obras únicas ou editadas, ou se se poden editar.

Non se aceptarán candidaturas acompañadas dun formulario non asinado.

#### 5.- Xurado

-O xurado terá a seguinte composición:

- Unha presidencia técnica e catro vogais, todos eles de recoñecido prestixio no campo das artes gráficas con voz e voto. Aboaráselle a cada un deles en concepto de asesoramento a cantidade de 300 € (suxeitos ás retencións legais correspondentes).

- Unha presidencia institucional con funcións representativas, que recaerá no alcalde do Concello de Ferrol ou concelleiro no que delegue.

- A secretaría, que recaerá nunha funcionaria do negociado de Cultura, que actuará con voz e sen voto.

-A composición do xurado darase a coñecer, con anterioridade a súa reunión, na páxina web do concello de Ferrol [www.ferrol.gal/premiomaximoramos](http://www.ferrol.gal/premiomaximoramos), co fin de que se poidan interpoñer, no seu caso, os recursos legais pertinentes.

## 6. Selección

### 6.1.-Preselección

O xurado, despois de ver as solicitudes e dossiers dixitais, realizará unha selección das obras que, según o seu criterio, reúnan a calidade suficiente para ser valoradas.

-A relación das obras seleccionadas darase a coñecer antes do 30 de abril a través da páxina web do concello de Ferrol [www.ferrol.gal/premiomaximoramos](http://www.ferrol.gal/premiomaximoramos). Os candidatos seleccionados recibirán ademáis un correo electrónico.

-Todas as obras seleccionadas formarán parte da exposición, incluíranse no catálogo que se realice desta, e terán opción ao premio.

### 6.2.- Envío das obras seleccionadas

- As obras seleccionadas poderanse enviar montadas sobre soporte ríxido, enmarcadas con metacrilato ou sen enmarcar. Neste último caso a organización definirá un sistema para presentar as obras e poderá consultar co artista as súas preferencias.

#### Ao dorso das obras indicárase:

- Apelido/s e nome
- Título da obra
- Técnica/s
- Ano de realización
- Valor da obra en euros
- Sentido de posición da obra
- En caso de obra editada, indicar o número da tirada.

Achegarase o formulario impreso, datado e asinado, así como un CD con fotografías das obras enviadas en alta resolución (300 ppp).

-No canto do transporte, enviarase todo por correo postal ou transporte privado, en soporte ríxido ou tubo reutilizable.

-Nos envíos dende o estranxeiro, indicárase sobre o paquete: "Impresos para exposición temporal / sen valor comercial". A organización non se fai responsable de ningunha obra retida na aduana.

-Os gastos de envío correrán por conta do participante. A devolución correrá a cargo da organización do certame. As obras estarán aseguradas unicamente durante o tempo que dure a exposición. A organización non se fará responsable dos danos sufridos polas obras durante o transporte (ida ou volta).

-As obras deberán remitirse ao Centro Torrente Ballester de Ferrol no período que abrangue **entre o 2 e o 21 de maio de 2018**, ambos inclusive. No exterior constará:

### 25 PMR Premio Internacional de Gráfica Máximo Ramos

Centro Torrente Ballester

Rúa Concepción Arenal, s/n

15402-Ferrol (A Coruña)

España

### 6.3.-Selección do premio e das obras para a exposición

-Rematado o prazo de presentación dos orixinais das obras, o xurado proporá ao autor premiado de entre as obras seleccionadas.

- O xurado resérvase o dereito de que o premio quede deserto. As decisións do xurado son inapelables.
  - O ditame do xurado darase a coñecer no acto de inauguración da exposición e publicárase na páxina web do concello de Ferrol [www.ferrol.gal/premiomaximoramos](http://www.ferrol.gal/premiomaximoramos).
  - A exposición terá lugar do 9 de xuño ao 14 de agosto de 2018.
  - Editárase un catálogo da exposición. Os participantes seleccionados autorizan á organización a reproducir as obras no catálogo con fins promocionais, asegurando que estas obras están libres de calquera tipo de canon ou dereito de reprodución.
  - Cada participante seleccionado recibirá un catálogo.
- 7.- A/s obra/s premiada/s pasarán a formar parte do patrimonio do Concello de Ferrol.
- 8.- Para a resolución de posibles dúbidas ou erros nas versións traducidas das bases, considérase como texto oficial o redactado en galego.
- 9.- A presentación das obras ao premio implica a total aceptación destas bases por parte dos artistas participantes.

Ferrol, 26 de febreiro de 2018

O concelleiro delegado de Cultura, Educación e Universidade

Jesús Basterrechea López

2018/1610